

TANGAZO LA SERIKALI NA. 591 la tarehe 30/9/2022

SHERIA YA SERIKALI ZA MITAA (MAMLAKA ZA WILAYA)
(SURA YA 287)

SHERIA NDOGO

(Zimetungwa chini ya kifungu cha 153)

SHERIA NDOGO (AFYA NA USAFI WA MAZINGIRA) ZA HALMASHAURI YA WILAYA YA NSIMBO ZA MWAKA 2022

Jina 1. Sheria Ndogo hizi zitaitwa Sheria Ndogo (Afya na Usafi wa Mazingira) za Halmashauri ya Wilaya ya Nsimbo za mwaka 2022

Eneo la matumizi 2. Sheria Ndogo hizi zitatumika katika eneo lote lililo chini ya mamlaka ya Halmashauri ya Wilaya ya Nsimbo.

Tafsiri 3. Katika Sheria Ndogo hizi isipokuwa pale itakapoelekezwa vinginevyo;

Ada”au“Ushuru”maana yake ni malipo yanayotozwa na Halmashauri kwa ajili ya huduma ya uzoaji taka;

“Afisa mwidhiniwa” maana yake ni Afisa yejote wa Halmashauri atakayeteuliwa na Mkurugenzi kusimamia utekelezaji wa Sheria Ndogo hizi;

“Askari” maana yake ni askari wa Jeshi la Polisi au Mgambo yejote atakayeteuliwa au kuagizwa na Mkurugenzi au Afisa Mwidhiniwa kutekeleza Sheria Ndogo hizi.

“Chukizo” au “Kero” maana yake ni kitu chochote ambacho kimejengwa au kuwekwa katika hali ya uchafu na kinaweza kusababisha madhara kwa maisha ya binadamu, adha, mazalia ya wadudu na wanyama hatari au madhara kwenye chakula na vyanzo vya maji;

“Dampo” au “Jalala” maana yake ni eneo maalum lililotangazwa kuwa limetengwa na kuhifadhiwa na Halmashauri kama eneo maalum nje ya makazi ya watu kwa ajili ya kumwaga au kutupa takataka za aina yoyote;

“Eneo la mbele ya nyumba” maana yake ni eneo lolote la mbele ya nyumba na eneo lililoko kati ya nyumba na barabara inayopakana na nyumba hiyo au kuungana na eneo la nyumba pamoja na eneo la hifadhi ya barabara linalopitisha maji ya mvua.

“Halmashauri” maana yake ni Halmashuri ya Wilaya ya Nsimbo;

“Huduma’ maana yake ni pamoja na usafishaji, ukusanyaji, uondoshaji na usafirishaji wa taka;

“Kaya’ maana yake ni baba mama na watoto na ni pamoja na mtu anayeishi peke yake kwa kujitegemea, watu waishio pamoja, mpangaji katika nyumba ya makazi au biashara;

“Lundo la taka” maana yake ni pamoja na vifaa na zana chakavu, mabaki ya samani ambayo haihusishi mabaki ya vifaa vya ujenzi au wanyama waliokufa wenyewe uzito mkubwa zaidi ya ule unaobainishwa kwenye mzigo wa taka;

“Mkurugenzi” maana yake ni Mkurugenzi wa Halmashuri na ni pamoja na Afisa ye yeyote atakayeteuliwa kutekeleza majukumu ya Mkurugenzi;

“Mzigo wa taka” maana yake ni pamoja na sehemu ya mabaki ya miti, vichaka, magazeti, majalada au taka ngumu zilizofungwa pamoja;

“Mmiliki” maana yake ni mmiliki wa nyumba ya makazi au biashara, taasisi, ofisi, nyumba ya biashara

na ni pamoja na mpangaji, wakala au mtu yeote mwenye dhamana ya kuishi katika nyumba;

“Nyumba ya makazi” maana yake ni pamoja na jengo lolote linalotumiwa kwa kuishi, na inajumuisha pia ardhi ambayo imetolewa kwa ajili ya kujenga nyumba ya kuishi lakini hajaendelezwa;

“Taka hatarishi” maana yake ni kama ilivyotafsiriwa katika Sheria ya Usimamizi wa Mazingira;

Sura 191 “Taka ngumu” maana yake ni kama ilivyotafsiriwa katika Sheria ya Usimamizi wa Mazingira;

Sura 191 “Taka za majengo ya biashara” maana yake ni taka zote zinazozalishwa kutoka katika majengo ya biashara na viwanda pamoja na taka zitokanazo na utoaji wa huduma mbalimbali lakini haihusishi taka zizalishwazo majumbani;

“Ukaguzi wa kiafya” maana yake ni ukaguzi utakaofanywa na Halmashauri au Afisa Mwidhiniwa kwa mujibu wa kifungu cha 4 cha Sheria Ndogo hizi;

“Wakala” maana yake ni Kampuni, Taasisi, Kikundi jamii (CBO) au mtu yeote aliyeteuliwa na Halmashuri kwa ajili ya kutoa huduma ya kuzoa taka katika eneo au sehemu ya eneo la Halmashauri;

Halmashauri
kuanzisha
huduma ya usafi
na kutoza ada

4. Halmashauri itaanzisha huduma ya usafi wa mazingira na ukaguzi wa afya katika maeneo yote ya Halmashauri.

(1) Kutakuwa na ada itakayotozwa na Halmashauri kwa ajili ya huduma za usafi wa mazingira.

(2) Ada ya ukaguzi wa kiafya italipwa na mmiliki au mhudumu katika majengo ya biashara, vituo vya afya na zahanati za watu binafsi, famasi au maduka ya madawa, hoteli, migahawa, mama/

baba lishe, watoa tiba asili, majengo ya biashara, vioski, wauzaji wa vinywaji (Groceries) na maeneo mengine kama inavyoonyeshwa kwenye jedwali la kwanza la Sheria Ndogo hizi.

- (4) Kila mtu atakayekaguliwa kiafya na kulipa ada ya ukaguzi wa kiafya atapewa stakabadhi ya malipo ya kieletroniki mara tu baada ya ukaguzi kufanyika.

Wajibu mmiliki nyumba mpangaji wa 5. Itakuwa ni wajibu wa kila mmiliki wa nyumba na mpangaji wa kila nyumba ya makazi au biashara:-

- (a) Kuweka na kutunza vyombo vyaka kuweka au kutunzia taka vyenye mfuniko na mshikio kama itakavyoelekezwa na Halmashauri.
- (b) Kutunza takataka zilizohifadhiwa kwenye vyombo na kuzipeleka sehemu maalum ya kukusanya takataka ambayo ilitengwa au kupangwa na Halmashauri kwa ajili hiyo.

- (c) Kutenganisha taka atakazozalisha kama vile mabaki ya chakula, karatasi, chupa, makopo na plastiki katika vyombo tofauti.

Usafi mazingira wa 6. (1) Itakuwa ni wajibu wa kila mmiliki wa nyumba, kaya au mpangaji kusafisha, kuondoa taka na kulitunza eneo lake katika hali ya usafi na mandhari ambayo Halmashauri itaridhia.
(2) Bila ya kuathiri kifungu cha 5 cha Sheria Ndogo hizi itakuwa ni marufuku kwa mtu ye yeyote kuweka, kusababisha na kuruhusu taka kutupwa katika eneo lolote la jengo lake.

- (3) Itakuwa ni marufuku kwa mtu yejote kutupa taka katika maeneo ya wazi, mitaani au barabarani.
- (4) Kila mmiliki na dereva wa chombo cha kusafirishia bidhaa au mizigo atahakikisha anaweka vifaa vyya kufunika bidhaa au mizigo inayosafirishwa ili kutoruhusu bidhaa au mizigo hiyo kudondoka au kumwaga uchafu na kuchafua mazingira.
- (5) Itakuwa ni wajibu wa kila mmiliki na dereva wa chombo cha kusafirisha abiria kuhakikisha kwamba anaweka vyombo vyya kuhifadhia taka zitakazozalishwa ndani ya gari na kuzitupa sehemu maalumu iliyotengwa na Halmashuri kwa ajili ya kutupa taka.
- Taratibu za kubomoa jengo
7. (1)Itakuwa ni marufuku kwa mtu yejote kubomoa au kusababisha kubomoka jengo au sehemu ya jengo bila kibali cha Halmashuri.
- (2)Mtu yejote atakayeomba na kupata kibali cha kubomoa jengo au sehemu ya jengo atalazimika kuondoa mabaki ya jengo lililobomolewa kwa gharama zake mwenyewe na kutupa mabaki hayo mahali alipoelekezwa kwa mujibu wa kibali alichoomba.
- Taratibu za uzoaji taka
8. (1)Itakuwa ni jukumu la kila mmiliki na mkazi wa jengo ambalo taka hatari huzalishwa kuhifadhi na kuzitupa taka hizo katika maeneo yaliyoainishwa na Halmashuri.
- (2)Halmashuri itaandaa utaratibu maalum wa ukusanyaji wa taka kutoka katika maeneo mbalimbali ambako taka hizo huzalishwa na kuzikusanya kisha kuzisafirisha kwa ajili ya kuzitupa katika maeneo yaliyotengwa na Halmashuri kwa ajili hiyo.
- Utaratibu wa kulipa ada za
9. Halmashuri itatoza ada ya huduma za usafi wa

usafî

mazingira, ukusanyaji na uzoaji taka kwa kuzingatia viwango vya ada vilivyoanishwa katika jedwali la pili la Sheria Ndogo hizi.

Utaratibu maalum
wa kukusanya
taka

10. Halmashauri itaandaa utaratibu maalum ambao utakuwa wa wazi kwa wadau wote kuhusu ukusanyaji wa taka kutoka katika maeneo mbalimbali ambako taka huzalishwa na kuzikusanya kisha kuzisafirisha na kuzitupa katika maeneo yaliyoainishwa.

Uteuzi wa wakala

11. (1) Halmashauri inaweza kumteua wakala kwa ajili ya kutoa huduma ya usafishaji na ukusanyaji taka kwa niaba yake.

(2) Wakala atakayeteuliwa kwa mujibu wa Sheria Ndogo hizi atakuwa na wajibu wa kuhakikisha kuwa:-

(a) Ameingia mkataba na Halmashauri kwa ajili ya kutoa huduma ya usafî wa mazingira.

(b) Anakusanya na kutupa taka hizo kwenye dampo kuu la Halmashauri au katika eneo lililotengwa na halmashauri kwa ajili ya utupaji taka.

Ushirikishwaji wa
jamii katika kuzoa
na kukusanya taka

12. Bila ya kuathiri kifungu cha 10 cha Sheria Ndogo hizi, kwa ajili ya kushirikisha jamii katika shughuli za uzoaji na ukusanyaji taka, Halmashauri inaweza kukiruhusu kikundi cha kijamii kushiriki katika kazi za kukusanya na kuzoa taka katika eneo la Kata ambao kikundi hicho kinatoka au eneo lolote la Halmashauri.

13. (1) Kwa kuzingatia idadi ya watu, kiwango cha taka kinachozalishwa na utendaji kazi wa kikundi cha kijamii katika eneo ambamo kinakusanya na kuzoa taka Halmashauri inaweza:-

(a) Kukijengea uwezo kikundi hicho kwa kuruhusu kutoza ada kwa kila kaya au

jengo lililopo katika eneo ambalo kikundi hicho kimepewa mkataba wa kukusanya na kuzoa taka kwa kuzingatia viwango vilivyoainishwa katika Sheria Ndogo hizi.

(b) Kukipa vitendea kazi na motisha nyinginezo kwa ajili ya kuboresha utendaji kazi wa kikundi.

(2) Endapo kikundi cha kijamii kitaomba kushirikishwa katika shughuli za kuzoa na kukusanya taka katika eneo lolote la Kata:-

(a) Shughuli za kikundi hicho zitaratibiwa na Afisa Mwidhiniwa pamoja na Afisa Mtendaji wa Kata husika na taarifa zote za utendaji wa kikundi zitawasilishwa na kujadiliwa katika Kamati ya Maendeleo ya Kata husika.

(b) Hakitajihusisha kutoza viwango vya ada ambavyo havikuainishwa katika Sheria Ndogo hizi.

(c) Kitawasilisha taarifa ya utekelezaji wa zoezi la ukusanyaji taka na makusanyo ya ada kutoka kila kaya, mmiliki wa jengo au familia.

(d) Kitawasilisha makusanyayo yote ya fedha ya kila siku kwa Afisa Mtendaji wa Kata ambaye atawasilisha makusanyo hayo kila wiki kwa Mkurugenzi.

(e) Kitapewa kibali na Halmashauri kwa ajili ya kutoza au kukusanya ada kutoka kwa kila kaya kwa ajili ya kuchangia shughuli za usafi na uzoaji taka katika kata husika.

Wajibu wa afisa
mwidhiniwa

14. Bila kuathiri kifungu chochote cha Sheria Ndogo hizi, Afisa Mwidhiniwa atakuwa na mamlaka

yafuatayo :-

- (a) Kutoa hati ya ukaguzi kila baada ya ukaguzi wa jengo lolote.
- (b) Anaweza kutoa notisi au taarifa ya siku kumi na nne (14) ya kumtaka mtu au mmiliki wa jengo au eneo lolote kufanya usafi, marekebisho au kufunga jengo au eneo lisitumike kwa shughuli yoyote kwa sababu za kiafya au kukiuka Sheria Ndogo hizi.
- (c) Anaweza kuingia katika eneo au jengo lolote wakati wowote kwa ajili ya ukaguzi wa majengo au maeneo ya makazi.
- (d) Kukagua wahudumu wanaofanya kazi ya kutoa huduma katika majengo ya biashara , hoteli, migahawa na nyumba za kuuza vileo, nyumba za kuuza vyakula na nyumba za kulala wageni.
- (e) Kuchukua hatua za kisheria dhidi ya mtu ye yoyote atakayekiuka Sheria Ndogo hizi.

Gharama za
utupaji wa
taka

15. Halmashauri itatoza gharama za utupaji wa taka katika jalala (dampo) kutoka kwa mawakala, wamiiliki wa taasisi mabalimbali, viwanda na makampuni pamoja na wazalishaji wengine wa taka kwa kuzingatia viwango vilivyoainishwa katika Jedwali la tatu la Sheria Ndogo hizi.

Marufuku

16. Itakuwa ni marufuku kwa mtu ye yoyote kwa mujibu wa Sheria Ndogo hizi:-

- (a)Kutupa taka katika maeneo ya

- wazi, viwanja ambavyo havijaendelezwa, barabara, mitaro au eneo lolote ambalo siyo jalala (dampo);
- (b) Kufuga mifugo katika maeneo ya katikati ya miji bila kibali cha Halmashauri;
- (c) Kufugia mifugo katika nyumba au sehemu ya nyumba inayotumika kwa makazi;
- (d) Kutoza ada au kiwango chochote cha ada inayotozwa kwa mujibu wa Sheria Ndogo hizi bila idhini ya Halmashauri;
- (e) Kumzuia Afisa Mwidhiniwa au Mkurugenzi asitekeleze majukumu yake;
- (f) Kuacha majani, makuti au matawi aliyotumia kuhifadhi au kufunika mazao katika eneo ambalo si jalala (dampo) baada ya kushusha bidhaa au mazao;
- Mamlaka ya Afisa mwidhiniwa
17. Katika kutekeleza Sheria ndogo hizi Mkurugenzi au Afisa Mwidhiniwa atakuwa na mamlaka ya kuzuia uingizaji wa mazao ya chakula au bidhaa nyingine sokoni au katika eneo lolote la Mamlaka ya Halmashauri ambazo zitaingizwa zikiwa zimehifadhiwa au kufunikwa kwa kutumia majani, matawi au makuti ya miti.
- Wajibu wa kila mtu kutunza eneo lake
18. Mtu ye yeyote katika eneo la Halmashauri mwenye kumiliki nyumba, shamba, biashara au taasisi kama vile shule, zahanati, viwanda, maduka, migahawa, hoteli, majengo yoyote wanapokusanyika watu, soko, minada, magulio, makanisa, misikiti, ofisi za Serikali, ofisi za vyama mbalimbali, nyumba za kupanga ni lazima kutunza eneo lake ikiwa ni pamoja na kufanya yafuatayo:-

- a) Atalazimika kuwa na choo chenye hadhi inayokubalika kwa mujibu wa Sheria Ndogo hizi na kitahesabika kuja zikisalia futi 3 kufikia usawa wa sakafu ya karo.
- b) Atalazimika kutumia gari la maji taka kwa gharama zake mwenyewe.kunyonya choo kikijaa.
- c) Atalazimika kuwa na shimo la takataka au pipa la takataka pembedi mwa nyumba yake/zake au eneo la biashara na kuhakikisha takataka hizo zinaondolewa/kuchomwa mara shimo/pipa lijaapo au kufukiwa.
- d) Atalazimika kuwa na karo la kuoshea vyombo (shimo la maji taka) na pia kuvuta maji hayo yanapojaa shimonii kwa gharama zake mwenyewe.
- e) Atalazimika kuwa na kichanja kwa ajili ya kuanika vyombo baada ya kuoshwa.

- | | | |
|--------------------|-----|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Ukaguzi wa majengo | 19. | Itakuwa ni wajibu wa mfanyabiashara kabla ya kuanzisha biashara kukaguliwa na Afisa mwidhinishwa. |
| Upimaji wa afya | 20. | <p>(1) Mtu yeote anayehusika na kuuza vyakula katika genge, jengo lolote la chakula/vinywaji anapaswa kupimwa afya yake mara moja kila mwezi na atapaswa kuwa nadhifu na mavazi safi ya sare wakati wote akiwa kazini.</p> <p>(2) Kila mhudumu aliyepimwa afya yake na kuthibitishwa atapewa hati ya uthibitisho toka kwa mganga aliyempima.</p> <p>(3) Ada ya Upimaji italipwa na mpimwaji na gharama hiyo itatolewa kituo cha huduma cha Serikali, na italipwa wakati wa upimaji kwa mganga au afisa afya ambaye atampa stakabadhi.</p> |
| Usafi katika kaya | 21. | (1) Kila mkazi mwenye nyumba, mmiliki au |

mkabidhiwa atalazimika kuwa na choo na kupalilia majani na kufagia kila mara na kutunza mazingira safi kwa umbali wa futi. 10 toka ukuta wa jengo kama ilivyo katika vipimo vilivyowekwa na kukubalika na Halmashauri.

(2) Kila mkazi mwenye nyumba, mmiliki au mkabidhiwa atapaswa kuweka jengo lake madirisha makubwa yasiyopungua 1/8 ya ukubwa wa chumba au vipimo vilivyowekwa na kukubalika na Halmashauri ya Wilaya.

Makosa

22. Itakuwa ni kosa chini ya Sheria Ndogo hizi;
- 1) Kufanya biashara ya kuza vyakula nya aina yoyote barabarani, mitaani na nje ya majengo bila kuweka ndani ya kabati safi ya kioo au kufunika kwa vyombo safi kwa mwongozo wa Afisa mwidhiniwa,
 - 2) Kuanzisha biashara ya mgahawa au genge la chakula ambalo halikutimiza masharti kama ilivyo kwenye Sheria Ndogo hizi.
 - 3) Kuza nyama iliyotundikwa chini ya mti au kwenye bucha ambayo si safi na haijatekeleza masharti kama yalivyo katika Sheria Ndogo hizi.
 - 4) Kuendeleza au kusaga na kukoboa katika jengo ambalo halijatekeleza masharti ya afya na kusajiliwa.
 - 5) Kutumia jengo lolote kwa ajili ya kuza vyakula bila kuwa na vyoo, maji moto ya kunawa, kabati na mazingira safi.
 - 6) Kuza, kusambaza, kusafirisha vitafunwa, vyakula kwa kubeba katika ndoo, sufuria na au beseni hata kama vimefunikwa.
 - 7) Kutoa huduma ya vyakula/vinywaji kubeba/kusafirisha chakula hicho kwenye buti za magari ya aina yoyote ile.
 - 8) Kuacha maji taka kutiririka ovyo barabarani, mitaani au katika eneo la nyumba ya jirani.
 - 9) Kuishi katika nyumba isiyo na choo na bafu.
 - 10) Kutupa taka ovyo, makaratasi, maganda ya

Sheria Ndogo (Afya Na Usafi Wa Mazingira) Za Halmashauri ya Wilaya ya Nsimbo
Tangazo La Serikali Na. 591 (Linaendelea)

matunda ya aina yoyote, uchafu wowote, chupa za plastiki, mifuko ya aina yoyote.

- 11) Kujisaidia haja ndogo au haja kubwa katika maeneo ya wazi au mahali pasipo na choo.

Adhabu

23. Mtu ye yote atakayekwenda kinyume na masharti ya Sheria Ndogo hizi atakuwa ametenda kosa na akipatikana na hatia atatozwa faini isiyozidi shilingi laki tatu (300,000) au kifungo kisichozidi miezi kumi na mbili au vyote kwa pamoja yaani kifungo na faini.

JEDWALI LA KWANZA
(Limetungwa chini ya Kifungu cha 4 (3))

Ada ya Ukaguzi wa Afya

Na.	Aina/ Eneo la Ukaguzi	Kiwango cha Ada (Tshs.)Kwa mwezi
1.	Nyumba za kulala wageni (guest houses)	5,000/=
2.	Hoteli, migahawa , nyumba za kuuzia vyakula viliviyopikwa	3,000/=
3.	Bucha za kuuzia nyama	3,000/=
4	Kibanda na maeneo ya kuchomea nyama	1,000/=
5	Vibanda au maeneo ya kuchomea nyama, kukaanga chips, nyama na mayai	1,000/=
6	Kumbi za muziki (disk, na dansi) na baa	5,000/=
7	Vibanda vya biashara na maeneo ya biashara nyinginezo	3,000/=
8	Maghala ya bidhaa za vyakula na vinywaji (depots)	5,000/=
9	Nyumba za makazi na mazingira ya Nyumba za makazi	BURE
10	Maduka ya madawa baridi ya binadamu au mifugo	5,000/=
11	Zahanati, kliniki na vituo vya Afya vya na taasisi za watu binafsi	3,000/=
12	Maeneo ya biashara yaliyofungwa baada ya ukaguzi wa awali na kuomba kufanyiwa ukaguzi mpya (reinspection)	3,000/=
13	Duka au kibanda cha biashara ya jumla	3,000/=
14	Ukaguzi wa viosk (groceries)	2,000/=
15	Majengo ya Taasisi	2,000/=
16	Vyoo vya kibashara vinavyoendeshwa na watu binafsi.	3,000/=
17	Karakana na gereji za magari na mitambo	3,000/=
18	Karakana za vyuma na viwanda vya mbao	2,000/=
19	Mto tiba Asili	1,000/=

JEDWALI LA PILI

Limetungwa chini ya Kifungu cha 9

Ada ya huduma ya ukusanyaji na uzoaji wa taka.

Na.	Aina ya biashara/ mchangiaji	Kiwango cha Ada kwa mwezi (Tshs)
1	Mgahawa mdogo/ kibanda cha kuuzia chai au chakula	5,000/=
2	Kioski na Glosari	5,000/=
3	Nyumba ya kulala wageni (Guest house)	5,000/=
4	Zahanati (Taka zisizo hatari)	5,000/=
5	Kituo cha Afya (Taka zisizo hatari)	5,000/=
6	Mashine ya mbao katika eneo la viwanda vya mbao au eneo lolote lile katika Halmashauri	5,000/=
7	Fundi Seremala	5,000/=
8	Fundi chuma	5,000/=
9	Karakana au gereji za magari	5,000/=
10	Karakana nyinginezo	5,000/=
11	Kiwanda kikubwa	50,000/=
12	Kiwanda cha kati	30,000/=
13	Kiwanda kidogo	20,000/=
14	Duka la jumla/ "Super markets" au "mini Super markets"	5,000/=
15	Duka la reja-reja	2,000/=
16	Shule ya msingi ya bweni (kwa shule za watu na taasisi binafsi)	5,000/=
17	Shule ya Sekondari ya bweni (watu binafsi)	5,000/=
18	Kituo cha kulelea watoto/ watu wenye mahitaji muhimu/ maalum	Bure
19	Duka dogo la vyakula	2,000/=
20	Duka kubwa la vyakula	5,000/=
21	Baa (Bar)	5,000/=
22	Kumbi za Starehe/ diskos	10,000/=
23	Klabu za usiku/ Night Clubs	10,000/=
24	Duka la kuuza samaki au nyama (buchya ya samaki au nyama)	5,000/=
25	Kibanda au kituo cha Nyama choma/ chips kinachojitegemea	5,000/=
26	Duka la dawa jumla jumla	5,000/=
27	Duka la dawa la reja—reja	3,000/=
28	Dobi	1,000/=
29	Fundi cherehani	5,000/=
30	Saluni ya wanaume au wanawake	2,000/=
31	Kibanda au mwamvuli wa kuuza vocha za simu	1,000/=
32	Kituo cha kuuzia nishati ya mafuta (Filling station)	10,000/=
33	Hoteli kubwa	20,000/=
34	Ghala (Godown)	20,000/=
35	Kiwanda cha mashine ya kukoboa mchele/ nafaka	50,000/=
36	Taasisi	5,000/=
37	Washona viatu	1,000/=
38	Wauza viatu vya mitumba/ dukani	5,000/=
39	Wauza nguo za mitumba	3,000/=
40	Toroli la bidhaa au matunda	1,000/=
41	Stoo za mkaa	5,000/=
42	Stoo za mbao	5,000/=
43	Mama/ baba lishe	2,000/=
44	Duka la kuuzia vipuli vya magari	5,000/=
45	Kila kaya	1,000/=

Sheria Ndogo (Afya Na Usafî Wa Mazingira) Za Halmashauri ya Wilaya ya Nsimbo
Tangazo La Serikali Na. 591 (Linaendelea)

46	Gari la kushusha mizigo (kila linaposhusha mizigo siku hiyo)	500/=
47	“Stationaries” na maduka ya kuuza vitabu	2,000/=
48	Duka la dawa baridi za binadamu, duka la dawa za mifugo au pembejeo za kilimo	5,000/=
49	Hospitali	20,000/=

JEDWAL LA TATU

(Chini ya Kifungu cha 15)

Gharama za umwagaji maji na taka kwenye Jalala (dampo) la Halmashauri

Na.	Kiasi cha Taka	Ada kwa tani
1	Gari lenye ujazo wa tani 1	3,000/=

Sheria Ndogo (Afya Na Usafi Wa Mazingira) Za Halmashauri ya Wilaya ya Nsimbo
Tangazo La Serikali Na. 591 (Linaendelea)

Nembo ya Halmashauri ya Wilaya ya Nsimbo iliwekwa kwenye Sheria Ndogo hizi kufuatia Azimio lililopitishwa kwenye Mkutano wa Halmashauri uliofanyika tarehe 27-28 Aprili 2021 na kubandikwa mbele ya:-

MOHAMED RAMADHANI
Mkurugenzi Mtendaji
Halmashauri ya Wilaya Nsimbo

HALAWA MALENDEJA
Mwenyekiti
Halmashauri ya Wilaya Nsimbo



NAKUBALI,

Dodoma,
19 Septemba, 2022

INNOCENT L. BASHUNGWA (MB)
Waziri wa Nchi -OR-TAMISEMI.